



PUO EA

MOHLOMPHEHI TONA-KHOLO

DR. MOEKETSI MAJORO.

**KHAKOLONG EA SETSI SE SECHA, SA KHOKAHANO LE
POKELLO EA MAIKUTLO A SECHABA MABAPI
LE BOEMO BA LITŠEBELETSO TSE FANOANG KE
‘MUSO HO SONA, MAFAPHENG OHLE A ONA.**

HA FOSO,

KALA 7 MOTŠEANONG, 2021.

MASERU

[Salutations]

Kea le lumelisa Sechaba sa heso se teng koano ka jeno;

Ke Thabo e kholo ho 'na ho hlaha ka pel'a lona mona Ha Foso kajeno. Sepheo saka sa ho tla koano ke se latelang:

Ke tllilo khakola morero oa ho bokella maikutlo a Sechaba ka boleng ba litšebeliso tsa 'Musu, ka liofisi tsa ona ka ho fapakana. Re le 'musu rea tseba hore sechaba se sengata ha sea thabela boemo bona, 'me morero ona oo re o khakolang kajeno o tlo re thusa ho ntlafatsa litšebeliso ho ipapisitsoe le maikutlo a Sechaba.

Maikutlo a Sechaba a tla bokelloa ka mokhoa oa marangrang, ho sebelisoa lifono-fono. Motho ea fumants'uoeng tšebeliso o tla kopua ka mohala ho hlalosa ho khotsofala kapa ho se khotsofale ka tšebeliso eo a e fumaneng lekaleng la 'musu. Maikutlo ana a tla bokelloa khoeli le khoeli ele ho aha tlaleho ka bosebeletsi ba 'musu ka Makala a ona.

Setsi sena seo ke se khakolang letsatsing lena, ke sa pele sa mufuta oa sona, se tla re thusa ho tebisa kepi boithatlhobong ba rona re le Puso le ho matlafatsa potongoane ea rona moo ebang le tla supa bofokoli ba rona hona teng. Le le Sechaba le tla re thusa ho etsa mekutu eohle ea ho tlosa tšehlo, meutloa le mafika ohle, le tsohle tseo esaleng re le Puso re le siteloa ka tsona.

Ke nako e nepahetseng joale, ea hore le kene ka matla a maholo morerong ona, ele hore retle re ntše tema e kholo re thetsane ka mahetla le lona Basotha ba heso!

Ke boikarabello ba Puso ena ea lona ho ikeletsa le ho sebetsa ka thata ho lokisa moo e belaelang hore e kanna eaba e ntse e le hata litorong mafapheng a fapaneng a phano ea litšebeliso a Puso.

Re na le polelo ea Bohlale Pusong ea Sechaba ka Sechaba, e reng **“Babusi ba Busoa ke Babusuoa”** Puso ena ea lona eo ke e eteletse pele, ere re lokela ho nka boikarabello ba ho tataisoa le ho phethahatsa litaba tse bohloka tsa sechaba!

Basotho ba heso,

Mosebetsi ona oo re o thakholang kajeno, o etelletsoe pele ke boithuto boo re bo entseng ka litšebeliso tseo 'musu o fanang ka tsona lekaleng la bophelo le la lipalangoang, eleng leo re khakolelang morero ona teng.

Seo re ithuleng sona ka Makala ana a mabeli ke hore Sechaba se lla ka tiehiso ea litšebeliso le ho se tsoaroe hantle ke bosebeletsi. Boithuto bona bo bolela

hore tlasa tataiso ea Matona, bangoli ba baholo ba Makala ba tla tlameha ho nka likhato hore litšebeletso li akofisoe le hore ba rupele bosebeletsi ho amohela Sechaba ka mofutho le ho se fa litšebeletso ka moea o motle.

Ele ho matlafatsa tšebeletso ena ea ho bokella maikutlo, ‘muso o tla khakola morero oa ho araba litaba tsa Sechaba ka ho fana ka nomoro eo Sechaba se tla e letsetsa ho tlaleha litaba tsa sona le ho iphumanela thuso ‘musong moo ho hlokahalang.

Ke lihelle litema ka ho laela Matona a heso a alositseng Mafapha, ho fumana le leho arabela Maikutlo a Sechaba a tla kena Mafapheng ao a bona ka potlako e le phethatso ea Moralo ona o Bohlokoahali Oa Puso ena!

Ke menyeletse fela ka ho le lebohela Sechaba sa heso, ke be ke lebohe mafapha ohle e ka sitana le bohle ba bileng le seabo katlehisong ea morero ona. Le ka moso!!

Joale ke phatlalatsa mona hore morero oa ‘Muso oa bokella maikutlo a sechabe ka boleng ba litšebeletso o kena tšebetsong kajeno.

Kea leboha.

Khotso! Pula! Nala.!